

Dani o Allahovom Poslaniku

Selam, ya Resulallah

A. OSNOVNE INFORMACIJE:

Naziv projekta: Dani o Allahovom Poslaniku „Selam, ya Resulallah“ 2019,

Vremenski okvir: 30.10.2019-27.11.2019. godine / Rebiu-l-evvel 1441. h. godine

Organizator: Medžlis Islamske zajednice Sarajevo

Mjesto: Teritorij Medžli sa Islamske zajednice Sarajevo

Realizatori: VP služba sa imamima, muallimama, vjeroučiteljima, koordinatorima i volonterima (ukupno 300)

Posjetilaca: 30 000

Generalni cilj projekta: Doprinijeti afirmaciji kulture i tradicije naroda B i H

Ciljevi projekta:

- Predstavljanje života Božijeg Poslanika i podsticanje na primjenu njegovih univerzalnih poruka u savremnom dobu;
- Promocija islamske umjetnosti sa posebnim akcentom na umjetnost vezanu za Poslanika;
- Odgovarajućim programima i aktivnostima buditi najljepše osjećaje ljubavi prema Stvoritelju i Njegovom Poslaniku;
- Doprinijeti razvijanju senzibiliteta i socijalne osjetljivosti;
- Doprinijeti razvijanju i očuvanju rodbinskih veza.

Kratak opis projekta: U hidžretskom mjesecu Rebiu-l-ewvelu organiziramo cjelomjesečnu Manifestaciju sa različitim vjerskim, kulturnim, edukativnim i sportskim sadržajima. Aktivnosti su podijeljene po generacijskim skupinama, afinitetima publike, aktuelnim potrebama društva i realiziraju se na prostoru čitavog Medžlisa. Manifestaciju organizira VP služba sa svim imamima, muallimama, koordinatorima i drugim službama Medžlisa. Učešće u realizaciji projekta uzimaju najeminentniji stručnjaci (profesori, akademici, pisci, pjesnici, umjetnici) iz pojedinih oblasti koje prezentiramo, što sadržajima daje posebnu draž i kvalitet. Svi sadržaji su zabilježeni (na audio i video zapisima) i prezentirani putem weba i/ili medijskih partnera (Media centar, Hayat TV, BHRT, FENA, ANADOLIA)

Očekivani rezultati: Organiziranjem specijaliziranih, tematskih i specifičnih, generacijski raspoređenih, sadržaja u mjesec dana želimo staviti fokus na istinski, neiskvareni nauk Allahovog Poslanika Muhammeda, a.s., koji nam je trajna inspiracija. Na taj način djelujemo preventivno na mlade naraštaje da o Poslaniku istražuju i budu njegovi istinski sljedbenici i svoj život usmjere trajnim, univerzalnim i neprolaznim ljudskim kvalitetama i vrijednostima.

Manifestacija, i projekat u cjelini, glas su razuma i promocija istinskog i lijepog u sveopćoj histerijskoj kakofoniji i neiskrenom pristupu Allahovom Poslaniku, onome što je naučavao i čemu je pozivao, danas u svijetu.

Fokus na manifestaciji Dani o Allahovom Poslaniku *Selam, ya Resulallah* 2019. jeste razvijanje socijalnog senzibiliteta prema različitim kategorijama u društvu, a motiv je ajet: „I da majci svojoj budem dobar“ (Merjem, 32)

30. oktobar-27. novembar 2019 / rebiul-evvel 1441. h. g.

Dani o Allahovom Poslaniku

Selam, ya Resulallah.

B. REALIZIRANE AKTIVNOSTI:

Svečano otvaranje:

Aktivnost kojom počinjemo manifestaciju realizirana je u saradnji sa Gazi Husrev-begovim vakufom. Poslije svečanog programa koji je izveden u džamiji, druženje je nastavljeno u džamijskom haremu i Saračima uz kahvu iz velike džezve, kolače i slatkiše. Program su izveli članovi Hora Medžlisa Islamske zajednice Sarajevo, predavanje je održao jedan od najpoznatijih i najboljih svjetskih alima šejh dr. Muhammed Ratib En-Nabulsi, a manifestaciju je svečano otvorio muftija sarajevski prof. dr. Enes Ljevaković. Otvaranje Manifestacije su podržali slastičari doniranjem kolača, te Vispak d.o.o. sa kuhanjem kahve u velikoj bosanskoj džezvi. Podjelu kolača su izvršile aktivistkinje Sektora za brak i porodicu i članice Mreže mladih.

Predavanja u GHB biblioteci ponedjeljkom:

Ovo je jedan od osnovnih sadržaja Manifestacije gdje se trudimo ugostiti najeminentnije alime iz BiH i svijeta, koji tretiraju aspekte Poslanikova života koji su nam u fokusu. U ovogodišnjem programu predavači su bili:

- dr. Munir Drkić, koji je govorio na temu: „Kazivanja o Poslaniku, a.s., kroz djela Dželaludina Rumija”.
- dr. Zehra Alispahić, koja je govorila na temu: "Svijet žena u Poslanikovom, a.s., životu”.
- dr. Nirha Efendić, koja je govorila na temu: "Motiv majke u usmenom naslijeđu i tradiciji usmenosti kod Bošnjaka”
- dr. Enes Durmišević, koji je govorio na temu: "ZAVNOBIH: Priznavanje i osporavanja”. Ovim predavanjem je obilježen Dan državnosti.

U toku svih predavanja bila je obezbijedena radionica za malu djecu, kako bi majke mogle prisutvovati.

Izložba Muhammed, a.s., u Hanikahu GHB medrese:

U saradnji sa autorom dr. Esmirom Halilovićem i njegovim saradnicima organizirali smo multimedijalnu izložbu koja je govorila o životu Muhammed, a.s., na savremen i zanimljiv način. Izložbu su posjetili i polaznici sarajevskih mekteba, te vjeroučitelji sa svojim učenicima. Zbog velikog interesovanja izložba je morala biti produžena.

Mevludske svečanosti:

Centralni dio Manifestacije je 12. rebiul-evvel i učenje mevluda. Mevludi su proučeni u gotovo svim džamijama Medžlisa, a organiziran centralna svečanost za svaku opštinu, gdje je predavač bio glavni imam doc. dr. hafiz Kenan-ef. Musić, a izvođač Hor Medžlisa. Imami našeg Medžlisa su bili izvođači Centralnog mevluda Rijasetu IZ u BiH. U programu Manifestacije bili su i posebni mevludi za žene koji su organizirani na tri mjesta. Posebnost ovogodišnjeg programa jeste i mevlud održan u Srebrenici upravo na 12. rebiul-evvel, te Dječiji mevlud koji su izveli polaznici mekteba organizovanih kroz hor Mektebski bulbuli i Akademiju za mujezine.

Dani o Allahovom Poslaniku

Ṣalām, ya Rasulāllah.

Otvoreni mektebski dan:

Jedna od aktivnosti kojima promovišemo mekteb, kao temeljnu instiuciju Islamske zajednice u cjelini. Tokom godina aktivnost je imala edukativni (kviz znanja), kulturni (nastupi školskih horova i pojedinaca) i sportski karakter. Ovogodišnji Otvoreni mektebski dan je imao isključivo zabavni karakter za učenike manjih razreda sarajevskih mekteba.

Aktivnost je u Domu mladih realizirana u saradnji sa Latifom Močevićem i predstavljen je edukativno-zabavni projekat „Mravko travko“.

Prvi susret maturanata:

Prvi susret maturanata sarajevskih mekteba je aktivnost pokrenuta ove godine s ciljem privlačenja generacije prvih razreda srednje škole, koji su redovno pohađali mekteb, Mreži mladih. Programom realiziranim u Domu mladih željeli smo pokazati brigu i pažnju za njih, dati im mogućnost da se upoznaju sa projektima koji se pripremaju za njih, te ih povezati sa aktivistima Mreže mladih koji su im bili domaćini. Program su izveli: Senaid Isaković, kao moderator, te Ajdin Hasanić, Mustafa Isaković, Šejma Mehić i Ahmed Alili.

Druženja:

Organizirana su dva posebna druženja u programu manifestacije i to : druženje za žene u GHB biblioteci i Omladinsko druženje u Hadžićima.

- **Druženje za žene** „Stazama čestitih“ kojim smo počeli program koji će mjesečno realizirati aktivistkinje Sektora za brak i porodicu. Druženje će biti edukativnog karaktera.
- **Omladinsko druženje** u Hadžićima je organizirano u Multimedijalnoj sali u saradnji sa Mrežom mladih Hadžići i Općinom Hadžići. Program su realizirali hafiz Ammar Bašić i grupa „Ehli Iman“. Preporuka svim opštinskim mrežama je bila da organizuju jedno zajedničko druženje, za što su im i osigurani edukativni materijali (kviz, film, i sl.)

Promocija knjige „Muhammed, a.s., u Evropi:
U Bošnjačkom institutu – Fondacija Adil Zulfikarpašić upriličena je promocija djela “Muhammed u Evropi” autorice dr. Minou Reeves. Riječ je o djelu koje su izdali MIZ Sarajevo i IIN Preporod u prijevodu Sabine Berberović i Nađe Berberović Dizdarević. Promotori su bili: dr. Abdulgafar Velić, dr. hafiz Dževad Hrvačić i doc.dr. hafiz Kenan Musić, dok je moderator bio mr. Meho Šljivo.

Večer muslimanske duhovnosti:

Večer muslimanske duhovnosti je poseban program koji se sastoji od učenja Kur'ana, mevluda, zikra, ilahija i kasida, te naratorskog djela, kojim se sveukupno priča jedna cjelovita priča iz života Allahovog Poslanika. Program, čiju su realizaciju pomogli iz organizacije IGMG-Regija Balkan, su izveli Aziz Alili, Hassan Sadeghi i Bunyamin Topcuoglu, kao gosti iz svijeta i učači Kur'ana, a mevlud, ilahije i kaside grupa solista: Latif Močević Mustafa Isaković, Šerif Delić, Resul Alić, Hamza Lavić, Edin Hamzakadić, Ensar Latifović, Jusuf Babajić, Mirnes Buko, Muhamed Mujkić, Muhamed Šemoski, Senaid Isaković (narator), Tarik Omerhodžić (narator), Rifet Čamdžić (udaraljke) i Halid Hajduković (udaraljke). Posjetiteljima se obratio glavni imam MIZ Sarajevo doc. dr. hafiz Kenan-ef. Musić, koji se zahvalio na značajnoj posjeti, kako

Dani o Allahovom Poslaniku

Ṣalām, ʿā Resulāllah.

u Skenderiji, tako i na svim ostalim sadržajima u proteklih mjesec dana. Manifestaciju je svečano proglasio zatvorenom muftija sarajevski dr. Enes-ef. Ljevaković.

Specifične aktivnosti:

- **PROGRAM ZA MIGRANTE:**
U nedjelju, 10. novembra u Privremenom prihvatnom centru “Ušivak” u Hadžićima, Medžlis islamske zajednice Sarajevo upriličio je prigodan program za migrante koji privremeno borave u ovom Centru. Djeci koja su smješšana u Centru su podijeljeni paketići.
- **HUMANITARNA AKCIJA ZA MIGRANTE:**
Na kraju 15. Manifestacije, a u skladu sa pozivom reisu-l-uleme za aktivnije učesće i pomoć, džemati i sarajevski imami su kupili 250 deka za korisnike Prihvatnog centra „Ušivak“. U srijedu 27. novembra glavni imam MIZ Sarajevo doc. dr. hafiz Kenan-ef. Musić, zajedno sa svojim pomoćnicima i saradnicima, kupljene deke je predao rukovodiocima Centra.
- **KAMPANJA „VOLIM MAMU I BABU“**
U saradnji sa medijskim partnerima (HAYAT TV I BHRT) realizirana je kampanja kratkih video poruka koje su tematizirale ljubav prema roditeljima. Kampanju su pripremile muallime Jasmina Sitnić i Sumeja Sultanović sa polaznicima predškolskih radionica koje se realiziraju u mektebima sarajevskog medžlisa.
- **VIDEO SERIJAL: „I DA MAJCI SVOJOJ BUDEM DOBAR“:**
Na osnovu pozitivnog iskustva organiziranja video i foto konkursa sa temom „Poslanik kao inspiracija“ koja je realizirana u prethodnim manifestacijama, Mreža mladih Sarajevo je realizirala video serijal „I da majci svojoj budem dobar“ gdje su tretirali 150 dobročinstava prema roditeljima – majci. Video materijale su sami osmišljavali, snimali i prezentirali na web platformi Medžlisa.

Dani o Allahovom Poslaniku
**Selam, ya
 Resulallah.**

C. KALENDAR MANIFESTACIJE

Aktivnost	Datum	Vrijeme	Mjesto		
SVEČANO OTVARANJE MANIFESTACIJE	30.10.2019.g.	18:12-19:30	<i>Harem Gazi Husrev-begove džamije</i>		
PREDAVANJE: Šejh dr. Muhammed Ratib En-Nabulsi	30.10.2019.g.	18:12-19:30 Jacija-namaz	<i>Gazi Husrev-begova džamija</i>		
KONCERT: Hor Medžlisa Islamske zajednice Sarajevo	01.11.2019.g.	19:00-20:00	<i>Velika sala Općine Novi Grad</i>		
DRUŽENJE ZA ŽENE	02.11.2019. g.	19:00-20:00	<i>Velika sala Gazi Husrev-begove biblioteke</i>		
PRVO PREDAVANJE: Dr. Munir Drkić	04.11.2019. g.	19:00-20:00	<i>Velika sala Gazi Husrev-begove biblioteke</i>		
OTVARANJE IZLOŽBE: „Muhammed, a.s.“ <i>Muzej Allahovog Poslanika</i>	08.11.2019. g.	13:00-14:00	<i>Hanikah Gazi Husrev-begove medrese</i>		
Mevludske svečanosti	Tradicionalna mevludska svečanost	08.11.2019.g.	18:02-20:00 Jacija-namaz	<i>Sultan Fatihova - Careva džamija</i>	
	Centralni mevlud Rijaseta IZ-e u BiH	09.11.2019.g.	12:00-13:30 Podne-namaz	<i>Gazi Husrev-begova džamija</i>	
	Mevlud u Srebrenici	09.11.2019.g.	18:02-20:00 Jacija-namaz	<i>Čaršijska džamija Srebrenica</i>	
	Centralne mevludske svečanosti po općinama		10.11.2019.g.	12:00-13:30 Podne-namaz	<i>Trnovo</i>
			10.11.2019.g.	12:00-13:30 Podne-namaz	<i>Prača</i>
			10.11.2019.g.	18:00-20:00 Jacija-namaz	<i>Buča Potok</i>
			12.11.2019.g.	16:30-17:58 Akšam-namaz	<i>Tarčin</i>
			12.11.2019.g.	17:58-20:00 Jacija-namaz	<i>Rakovica</i>
			13.11.2019.g.	16:29-17:57 Akšam-namaz	<i>Šip</i>
			13.11.2019.g.	17:57-20:00 Jacija-namaz	<i>Pofalići</i>
			14.11.2019.g.	16:28-17:56 Akšam-namaz	<i>Kobilja Glava</i>
		14.11.2019.g.	17:56-20:00 Jacija-namaz	<i>Mrakovo</i>	
	Centralni Mevlud za žene	10.11.2019.g.	12:00-14:00	<i>Sultan Fatihova - Careva džamija</i>	
	Mevlud za žene	11.11.2019.g.	12:00-14:00	<i>Džamija u Podlugovima</i>	
		16.11.2019.g.	12:00-14:00	<i>Centralna džamija Iliđa</i>	
	DJEČIJI MEVLUD <i>Hor mektebski bulbuli Akademija za mujezine</i>	23.11.2019.g.	12:00-14:00	<i>Istiklal džamija</i>	
DRUGO PREDAVANJE: Doc dr. Zehra Alispahić	11.11.2019.g.	19:00-20:00	<i>Velika sala Gazi Husrev-begove biblioteke</i>		
OTVORENI MEKTEBSKI DAN	17.11.2019.g.	10:00-12:00	<i>Dom mladih KSC Skenderija</i>		
SUSRET MATURANATA MEKTEBA	17.11.2019.g.	15:00-17:00	<i>Dom mladih KSC Skenderija</i>		
TREĆE PREDAVANJE: Dr. Nirha Efendić	18.11.2019.g.	19:00-20:00	<i>Velika sala Gazi Husrev-begove biblioteke</i>		
PROMOCIJA KNJIGE: <i>„Muhammed, a.s., u Evropi“</i>	20.11.2019.g.	19:00-20:30	<i>Bošnjački institut-Fondacija Adil Zulfikarpašić</i>		
OMLADINSKO DRUŽENJE Hafiz Ammar Bašić i Grupa „Ehli Iman“	23.11.2019.g.	19:00-20:30	<i>Multimedijalna sala Općine Hadžići</i>		
ČETVRTO PREDAVANJE: Dr. Enes Durmišević	25.11.2019.g.	19:00-20:00	<i>Velika sala Gazi Husrev-begove biblioteke</i>		
VEČER MUSLIMANSKE DUHOVNOSTI	27.11.2019.g.	19:00-20:30	<i>Dvorana „Mirza Delibašić“, KSC Skenderija</i>		

30. oktobar-27. novembar 2019 / rebiul-evvel 1441. h. g.